

mine Chang ulterius deferantur : aliæ è navibus ad terram transportantur, ut per montes Muilin à bajulis ad ulteriora loca transmittantur, maximeque in Nanhiong urbem. quare urbs hæc magna ac dives est, suburbiaque habet ipsa prope urbe majora. numerat sub se civitates quatuor, 1 Nangan, 2 Nankang, 3 Xangyeu, 4 Çungy. tria etiam habet nobiliora fana.

Olim regni U fuit. sub Cina & Hana familia, eodem quo superior, loco, hodiernum nomen habet à Sunga familia.

Mons Sihoa, hoc est flos occidentalis, ad occasum enim urbis est, totus amœnus cultusque est, unde floris nomine haud videtur indignus, ex cæteris nihil admodum memorabile occurrit.

